



TOSHKENT DAVLAT YURIDIK UNIVERSITETI REKTORINING B U Y R U G ' I

2021-yil 24-noyabr

08-320-son

Ijtimoiy tarmoqlar hamda undagi munosabatlarni, virtual mulk va raqamli aktivlarni huquqiy tartibga solish masalalarini tadqiq etish bo'yicha ishchi guruh tashkil etish to'g'risida

O'zbekiston Respublikasi Prezidentining 2020-yil 29-apreldagi PF–5987-son “O'zbekiston Respublikasida yuridik ta'lim va fanni tubdan takomillashtirish bo'yicha qo'shimcha chora-tadbirlar to'g'risida”gi Farmoni, Xalqaro reyting va indekslar bilan ishlash bo'yicha respublika kengashining 2020-yil 26-maydagi 5-son bayonnomasi bilan tasdiqlangan O'zbekiston Respublikasini Mulk huquqi alyansining Xalqaro mulk huquqi indeksida bosqichma-bosqich aks ettirishga tayyorgarlik bo'yicha “Yo'l xaritasi”ning 7-bandi, O'zbekiston Respublikasi Adliya vazirligi Xalqaro reytinglar va indekslar bilan ishlash boshqarmasining 2021-yil III va IV chorak ish rejasining 1-bandi ijrosini ta'minlash hamda Toshkent davlat yuridik universiteti va Xalqaro xususiy huquqni unifikatsiya qilish instituti (keyingi o'rinlarda – UNIDROIT) o'rtasidagi o'zaro anglashuv memorandumini doirasida hamkorlikni yanada kengaytirish maqsadida

BUYURAMAN:

1. O'zbekiston Respublikasi Adliya vazirligi Xalqaro reyting va indekslar bilan ishlash boshqarmasining boshlig'i S.Yusupovning bildirgisiga muvofiq O'zbekiston Respublikasi adliya vaziri R.Davletov tomonidan UNIDROIT bilan hamkorlikda ijtimoiy tarmoqlar hamda undagi munosabatlarni, virtual mulk va raqamli aktivlarni huquqiy tartibga solish masalalarini tadqiq etish bo'yicha ishchi guruhi (keyingi o'rinlarda – ishchi guruh) shakllantirishga ruxsat berilganligi ma'lumot va ijro uchun qabul qilinsin.

2. Ijtimoiy tarmoqlar hamda undagi munosabatlarni, virtual mulk va raqamli aktivlarni huquqiy tartibga solish masalalarini tadqiq etish bo'yicha ishchi guruh ilovaga muvofiq tarkibda tashkil etilsin.

3. Ishchi guruhning asosiy vazifalari sifatida quyidagilar belgilansin:

ijtimoiy tarmoqlardagi sahifa egalarining mualliflik va turdosh huquqlarini muhofaza qilish masalalarini o'rganish;

ijtimoiy tarmoqlarning huquqiy maqomi, undagi munosabatlarni fuqarolik-huquqiy tartibga solish masalalarini tadqiq etish;

virtual mulk va raqamli aktivlarning huquqiy tabiati, ularni huquqiy tartibga solish istiqbollari o'rganish;

UNIDROIT tomonidan olib borilayotgan tadqiqotlar, xususan "Raqamli aktiv va xususiy huquq" loyihasi 2020-2022 yillardagi ish rejasi bilan tanishish;

o'rganishlar natijasi bo'yicha O'zbekiston qonunchiligini rivojlantirish bo'yicha asoslantirilgan takliflarni ishlab chiqish, takliflarni O'zbekiston Respublikasi Prezidenti Administratsiyasi, Xalqaro reyting va indekslar bilan ishlash bo'yicha respublika kengashi hamda O'zbekiston Respublikasi Vazirlar Mahkamasiga kiritilishini ta'minlash.

4. Xalqaro hamkorlik boshqarmasi (A.Yakubov) ishchi guruhning UNIDROIT tomonidan olib borilayotgan tadqiqotlar bilan tanishishi va O'zbekiston qonunchiligini rivojlantirish bo'yicha asoslantirilgan takliflarni ishlab chiqish maqsadida ishchi guruh vakillarining UNIDROIT (Italiyaning Rim shahri)ga tashrifini amalga oshirish yuzasidan tegishli chora-tadbirlarning amalga oshirilishini ta'minlasin va taklif kiritsin.

5. Ushbu buyruq ijrosini nazorat qilishni o'z zimmasida qoldiraman.

Rektor v.v.b.



I.Rustambekov

Loyiha kiritildi:

Intellektual mulk huquqi
kafedrasi mudiri

Sh.Xo'jayev

Kelishildi:

Prorektor

D.Umarov

Xalqaro hamkorlik
boshqarmasi boshlig'i

A.Yakubov

Ilmiy boshqarma boshlig'i

I.Ergashev

Yuridik byuro
yuriskonsulti

D.Aliboyev

**UNIDROIT bilan hamkorlikda ijtimoiy tarmoqlar hamda undagi
munosabatlarni, virtual mulk va raqamli aktivlarni huquqiy
tartibga solish masalalarini tadqiq etish bo'yicha
ISHCHI GURUHI TARKIBI**

Xo'jayev Shoxjaxon Akmaljon o'g'li – Toshkent davlat yuridik universiteti
Intellectual mulk huquqi kafedrasining mudiri, PhD, ishchi guruh rahbari;

Salomov Jasur Botirovich – O'zbekiston Respublikasi Adliya vazirligi
Xalqaro reyting va indekslar bilan ishlash boshqarmasi bosh maslahatchisi, ishchi
guruh rahbari o'rinbosari;

Radjabov Akbarjon Muxammad o'g'li – O'zbekiston Respublikasi Adliya
vazirligi Iqtisodiy qonunchilik boshqarmasi boshlig'ining o'rinbosari – bo'lim
boshlig'i, ishchi guruh a'zosi;

Inamdjanova Elnora Elbekovna – Toshkent davlat yuridik universiteti
Xalqaro xususiy huquq kafedrasining o'qituvchisi, ishchi guruh a'zosi;

Maxamadxo'jayeva Munisa Ne'matxo'jayevna – Toshkent davlat yuridik
universiteti doktoranti, ishchi guruh a'zosi.